



UNIVERSITÄTS-  
BIBLIOTHEK  
PADERBORN

## Universitätsbibliothek Paderborn

**Malvm Svmmi Mali Sive De infinita grauitate peccati  
mortalis Libri Qvinq[ve]**

**Pelecycus, Johannes**

**Monachii, 1615**

XXI. Lædit impius Ecclesiam in terris militantem.

[urn:nbn:de:hbz:466:1-52025](https://nbn-resolving.org/urn:nbn:de:hbz:466:1-52025)

tatem colit; dolere verò, si dolor in eos aliquis cadere posset, quando tale peccatum admittitur. Offenduntur ergo ab homine, cum peccat.

## CAPUT XXI.

*Ledit impius Ecclesiam in terris  
militantem.*

**I**llam, quæ in præsentis mortalitatis stadio cum carnis imbecillitate, cum infirmitate sensus, cum mundi illecebris, cum principibus & potestatibus tenebrarum harum, adeoq; peccato, morte, & inferno, *accepta armatura Eph. 6.14.* Dei, succincta lumbos in veritate, induta lorica iustitiæ, calceata pedes in preparationem Evangelij pacis, sumpto scuto fidei, galea salutis, gladio spiritus, orans, obsecrans, & vigilans pro corona gloriæ decertat. Illa, quæ vna, sancta, catholica, Apostolica, & rectè ordinata castrorum

E 2 acies



acies est, cuius summus Pontifex Christi loco, summus est in terris Imperator; Tribuni militares Episcopi, Centuriones ij, quibus est animarum & pascendarū, & ruendarum cura mandata, signiferi, & ij, qui vel tympanorū botatu, vel ære ciere viros Martēq; accēdere studēt, Ecclesiastæ sunt verbiq; diuini præcones; Qui in speculis collocati hostis aduentū obseruant, clamoreq; suo denunciant, vel in perpetua vigilia manentes, oculos suos nunquā statione sua deiiciunt, vel ut antesignani in acie cōstituti, prius animam amittunt, quàm de loco demigrent, vel tanquā emissarij agmen ad hostem varijs anteludis, velitationibusq; laceffendū præcedunt, Religiosorum sunt hominū ordines; Qui ab acie segregati cū hoste ad monomachiam descendunt, eumq; toto spiritu

ritu

riru  
cum  
glor  
sunt  
stati  
arma  
tati,  
seu p  
gene  
cath  
huiu  
infer  
tis sig  
quor  
bolū  
eorū  
Impe  
mina  
cram  
tifer  
bus ip  
Conf  
& co  
corro



riru, ingentique animo aggressi, cum immortali inuicti roboris gloria prosternunt, Anachoretæ sunt; Gregarij, siue classarij, siue stationarij, siue leuis, siue grauis armaturæ, siue hastati, siue scutati, seu equites & cataphracti, seu pedites seu cuiusuis alius aut generis, aut ordinis, Christiani catholici sunt, q̄ per amplissimū huius orbis cāpum diffusi, cum inferorum manu copijsq; collatis signis, totis virib<sup>9</sup> depugnant; quorum omnium tessera & symbolū character ille est, quo sunt eorū animi insigniti, tunc, cū Imperatori suo in baptisate nomina dederūt, eique solemni sacramento se obstrinxerunt; salutaris deinde crucis nota frontibus ipsorum impressa, quādo in Confirmatione ad pugnam sunt & conflictum à cœlesti spiritu corroborati. Arma: fides, spes,

E 3 cha



charitas, cæteræq; virtutes cum his tribus, necessitudinis quodam vinculo copulatæ. Enses, quibus hostem feriunt atq; cõuulnerant, gladius ille anceps, quod est verbum Dei. Machinæ quibus muros quaterere ac subruere nituntur, preces sunt, ieiunia, elemosinæ, aliæq; pietatis exercitationes. Commeatus, sacrosancta Eucharistia. Sauciatorum in prælio pharmaca, pænitentia, & extrema unctio. Interfectorum cætorumq; redintegratio, Ordo & Matrimonium. Finis, victoria. Præmium, beatitudo. Illa rursus Ecclesia lèditur, quæ regnũ Dei, regnũ cælorum civitas super montem posita, pretiosus thesaurus, Patris æterni satio sine plantatio, vinea Domini, domus spiritualis, regale Sacerdotium, genus Sancta, populus acquisitionis, populus Dei ex tenebris erutus, & ad lumẽ admirabile vocatus, spiritus Sancti templum, columna, & firmamentum ve-

Math. 21.

4. 5. 13. 15.

20.

Act. 4.

1. Cor. 3.

1. Tim. 3.

Eph. 1.

Heb. 12.



ritatis, corpus Christi, cœlestis Hierusa- *Apoc. 21.*  
 lem, sponsa Christi, casta purissimaque *2. Cor. 11.*  
 virgo appellatur. In eam impetu  
 summo peccatum mortiferum  
 incurrit, eamq; ludibrio & de-  
 decore afficit. Obelum inferna-  
 lem! O lætiferum Draconem!

CAPVT XXII.

*Ecclesia benefactrix nostra magna ab  
 impio offenditur.*

**E**cclesia, quæ, iuxta D. Am- *lib. 7. ep. 44*  
 brosium, super Apostolicam æ-  
 dificata petram manet, & inconcuſſo  
 aduersus impet<sup>o</sup> seuientis salis perseue-  
 rat fundamine, & multa, & magna  
 in nos beneficia confert; Deo si-  
 quidē nos, per Baptismum, gene-  
 rat, lacte suo nutrit, blando sinu  
 fouet, liberaliter educat. Tene-  
 bris ignoratiæ discussis, in intel-  
 lectu nostro fidem, *qua tanquã ab Prou. 4 18.*  
*aurora lumen iustorum incipiens pro-*  
*cedit, & vt sapiens ait, ad perfectam*  
*vsq; diē crescit, hoc est, sapientiam,*